



Ka uitshiakanit shuniatat Innuat katak^u assi ka apiht

Shash a tshetshi apunau etatu katak^u assi kutuashtupishimua eshpish kie ma anu anutshish ume pipun?

Tshipa tshi uitshikunau ut anitshenat etatu katak^u assi ka apiht, ishinakuat nanitam katshi apie^u anite tshiuetiniu-assi tetshe (zone A) kie ma anite upime minishtikuat tetshe (zone B) kutuashtupishimua eshpish shaputue katshi tauiek^u anite.

Apu tshissenitamek^u tanite miam ka apie^u zone A kie ma zone B? Ute natu-tshissenitamek^u canada.ca/arc-ligne-25500.

Tshipa tshi natuenitenau tshetshi uitshikuiek^u ut anitshenat etatu katak^u assi ka apiht shakassinataiek^u ume [formulaire T2222, Déductions pour les habitants de régions éloignées](#).



Tshekuan ane uin ka uitshiakaniht Innuat katak^u assi ka taht?

Nuash anite **uitshiakanuat auenitshenat mitshuap kie ma e pamishkanut.**

Tutakanu ane ka uitshiakaniht shuniatat Innuat tshetshi eka eshpish animuht etatu katak^u ka apiht usham nishtuapatakanu eshpish shuniaut inniuin, ait eshpanit assi mak eka eshpish takuak uauitshituna.



Tshekuan ane uin mitshuap e uauitakanit ka uitshiakaniht Innuat shuniatat?

Nuash nishuait tshipa tshi uitshikunau shuniatat :

- **Ushkat ka eshi-katshitinak auen shunianu ut uitsh ;**
- **Anu ka eshi-katshitinak auen shunianu ut uitsh.**

Tan tatuapiss tshipa tshi katshitenau ka uitshiakaniht Innuat mitshuap e uauitakanit?

- Zone A tshetshe tshitapitau? - **11,00 \$** eshakumitshishikua tshipa tshi natuenitenau.
- Zone B tetshe tshitapitau? - **5,50 \$** eshakumitshishikua tshipa tshi natuenitenau.

Auen tshipa tshi natuenitam^u nenu anu ka eshi-katshitinak auen shunianu ut uitsh?

- Peikussiek^u anite mitshuapit mak natuenitamek^u ane shuniau ushkat eshi-tshishikasht auen uitsh mak tshinuau atusseshtamek^u ane mitshuap anite e apie^u, tshipa tshi natuenitenau.
- Zone A tshetshe tshitapitau? **11,00 \$** eshakumitshishikua tshipa tshi minat natuenitenau.
- Zone B tshetshe tshitapitau? **5,50 \$** eshakumitshishikua tshipa tshi minat natuenitenau.





Tshekuan ane uin ka uitshiakaniht auenitshenat e pamishkatauat?

Tshipa tshi natuenitenau ane kie tshetshi uitshikuiek^u shuniatat e pamishkaiek^u ut akushiutshuapit ua ituteiek^u kie ma usht tshiam ui tshitshipataiek^u uiesh, anite ut tshitshipataiek^u zone A kie ma zone B mak tshinuau natuenitamek^u kie ma kutak auen e tshinuemaiek^u.

Tshinuau kie ma auen e tshinuemaiek^u tshipa tshi tshitshipatanau mate ashit utapan, upashtamakan, ishkuteutapan, netupiss, kaneukatet kie ma pipunitapan.

Mishu peikutau anite assi e apuiek^u pamishkaiek^u.

Tan tatuau tshipa tshi natuenitenau tshetshi uitshikuiek^u e pamishkaiek^u?

- Tshipa tshi natuenitenau nishuau tshetshi uitshikuiek^u tshiam usht ua tshitshipataiek^u uiesh, miam ua natshi-manitekatuekut tshikanishuaua, kie nishuau tshipa tshi uitshiakanuat tshikanishuau kie uinuau.
- Muk^u eshinakuasht auen nenu natuenitak, nishuau muktshiam tshipa tshi uitshiakanu auen usht ua tshitshipatat uiesh peikupipuna e uauitakanit.
- Tshinuau kie ma tshikanishuau, tshipa tshi kie natuenitenau kau tshetshi minikuiek^u ane shuniau ka tshishikashiek^u peikuau kie ma anu katshi pamishkaiek^u ut akushiutshuap tekuak tshetshi itutaiek^u.

Tshekuan apatat tshetshi mashinaimakuiek^u ane kau shuniau ka tshitshipataiek^u

- Kassinu mashinaikana ka tshishikashiek^u tshekuana tshetshi tshitshipataiek^u uiesh.
- Anu uet eka ka shuniaut ka tshishikashiek^u upashtamakan-mashinaikan ka tshitshipataiek^u anite ut anu pessish e apiek^u (peikuan ma eka katshi upauiek^u kie ma eka ka tshi papataiek^u nite ka ui itutaiek^u).

Tshitshissenitetau a tekuak tshetshi katshitinamek^u tshetshi eka eshpish tshishikashiek^u upashtamakan-mashinaikan anite etatu pessish e taiek^u? Ute tshitapatamek^u canada.ca/billets-avion-plus-economiques etatu ui natu-tshissenitamekui.



Etatu ui tshissenitamekui e uauitakanit ka uitshiakanit shuniatat Innuat katak^u assi ka apiht

Ute itutek^u canada.ca/impots-habitants-regions-eloignees